

إِنَّ هَذَا الْقُرْآنُ يَهْدِي لِلّٰهِ مَنْ أَقْرَأَ وَيَسِّرُ لِلْمُؤْمِنِينَ الدِّّينَ
يَعْمَلُونَ الصَّالِحَاتِ لَهُمْ جَرَأَ كَبِيرٌ



Dhugumatti, Qur'aanni kuni wanta hundarra qjeeltu taatetti
nama qjeelcha. Warroota amanannii hojji gaggaarii hojatan,
mindaan guddaan akka isaanif jiru ni gammachisa.

Indeed, this Qur'an guides to that which is most suitable and gives good tidings
to the believers who do righteous deeds that they will have a great reward.

Suuratu Al-Israa 17:9 www.sammubani.com

Tafsiira Suuratu Az-Zumar-Kutaa 1

Description

Barnoota keenya darbe keessatti waaâ€™ee Laa ilaah illallah ilaalaat turreera. Namni jecha tana sirritti yoo beekee fi hojji irra oolche, jirenya keessatti gammachu fi bilisummaa argata. Gammachu fi bilisummaan dhugaa gammachu fi bilisummaa qalbiiti. Namni tarii qaaman bilisa taâ€™uu dandaâ€™a. Garuu qalbiin isaa wantoota baayâ€™eef yoo gabra taate, inni bilisummaa dhugaa hin qabu jechuudha. Dhugumatti, Laa ilaah illallahâ€™n wanta nama miidhu fi fayyadu hin dandeenyeef gabra taâ€™uu irraa nama baraaruun bilisummaa dhugaa namaaf laatti. Namni kana galmaan gahuuf yeroo hundaa beekumsa barbaadu fi wanta beeke hojji irra oolchuuf carraaqu qaba. Qurâ€™aanni guutuun gara Laa ilaah illallahâ€™tti namoota waama. Kanaafu, maddi guddaan hiika Laa ilaah illallah itti beekan Qurâ€™aana jechuudha. Kana hubannoo keessa galchuun Qurâ€™aana irraa suurah jiddu-galeessa baayâ€™inni aayaata (keeyattoota) 75 taâ€™e ibsa (tafsiira) ishii ni ilaalla. Laa hawla walaa quwwata illa billah.

Suuran (boqonnaan) tuni suuratu Az-Zumar. Suurah bareeddu nama hawwattu, nama itti dukkanaaâ€™e tan abdachiistu, nama gafla keessatti lixee of dagate tan dammaqsitu, nama beekumsaaf dheebote beekumsa akka dammaa miâ€™aawaa fi akka aannanii namatti tolu tan nama obaastu Suuratu az-Zumar. Nama jijirama barbaadeef kunoo tafsiira (ibsa) suuratu Az-Zumar. Hanga xumuraatti obsaan waliin haa turru. Isin qophiidhaa?

بِسْمِ اللَّهِ الرَّحْمَنِ الرَّحِيمِ

Maqaa Rabbii Ar-Rahmaan Ar-Rahiim taâ€™een [jalqaba]

﴿تَنْزِيلُ الْكِتَابِ مِنَ اللَّهِ الْعَزِيزِ الْحَكِيمِ ﴿١﴾ إِنَّا أَنْزَلْنَا إِلَيْكَ الْكِتَابَ
بِالْحَقِّ فَاعْبُدِ اللَّهَ مُخْلِصًا لَهُ الْدِينَ ﴿٢﴾ أَلَا لِلَّهِ الدِّينُ أَلْخَالِصُ﴾

â€œ(1)-Buufamuun Kitaabichaa Rabbii Injifataa Ogeessa taâ€™ee irraayyi.(2)-Dhugumatti,Nuti Kitaaba haqaan gara keetti buufnee jirra. Kanaafu, amantii Isaaf qulqulleessuun Rabbiin gabbari. (3)- Dhagayaa! Amantiin qulqulluun Rabbi qofaafi.â€ Suuratu az-Zumar 39:1-3

â€œBuufamuun Kitaabichaa Rabbii Injifataa Ogeessa taâ€™ee irraayyi.â€

Asitti â€œkitaabichiâ€ Qurâ€™aana. Kitaaba jechuun wanta barraaâ€™edha (maktuub). Kanaafu, Qurâ€™aanni Al-Lawh Al-Mahfuuz keessatti kan katabamee fi galmaaâ€™edha. Akkasumas, erga Nabiyyii (SAW) irratti buâ€™ee boodas meeshaa barreefamaa irratti galmaaâ€™un jijjiraa, hirâ€™innaa fi itti dabaluu irraa hanga Guyyaa Qiyaamaatti ni eeggama.

Rabbitiin subhaanahu wa taâ€™aalaa buufamuun Qurâ€™aanaa Isa irraa akka taâ€™e beeksiisa. Kana jechuun Qurâ€™aanni Rabbiin irraa buâ€™e. Jibriil irraa miti ykn Muhammad irraa miti ykn madda kam irraayyu miti. Kana irra, Rabbitiin irraa kan buâ€™eedha. Ittiin dubbatee gara Jibriil buuse. Ergasii Jibriil (aleyh salaam) Qurâ€™aana kanaan qalbii Nabiyyii (SAW) irratti buâ€™een.[\[1\]](#) Rabbitiin (Subhaanahu wa taâ€™aalaa) ni jedha:

﴿وَإِنَّهُ وَلَتَنْزِيلُ رَبِّ الْعَالَمِينَ ﴿١٩٣﴾ نَزَّلَ بِهِ الرُّوحُ الْأَمِينُ
عَلَى قَلْبِكَ لِتَكُونَ مِنَ الْمُنذِرِينَ ﴿١٩٤﴾ بِلِسَانٍ عَرَبِيًّا مُّبِينٍ﴾

â€œDhugumatti, Qurâ€™aanni buufama Gooftaa aalamati.

Ruuhi amanamaa taâ€™e (Jibriiltu) isaan buâ€™e (Qurâ€™aana Rabbitiin irraa fide).

Akka ati Akeekachistoota irraa taatuf qalbii kee irratti [fide].

Lugaa (qooqa) Arabiffaa ifa taâ€™eenâ€ Suuratu Ash-Shuâ€™araa 26:192-195

Dhugumatti Qurâ€™aanni kuni Gooftaa wantoota hundaa uume, dhimmoota hundaa harkaa qabuu fi tooâ€™atu irraa kan buufameedha. Yaa Rasuula! Hanga qalbii keetin hubattuu fi qabattutti Jibriil Qurâ€™aana kana Rabbitiin oltaâ€™aa irraa fidee srratti dubbise.

Al-Aziz jechuun abbaa humnaa fi Injifataa gonkumaa hin injifatamneedha. Humni kamyuu humna Isaatiin wal hin gitu (hin qixxaatu), dandeettin homaatu dandeetti Isaatin wal hin gitu. Rabbitiin subhaanahu wa taâ€™aalaa wantoota hundaa kan injifatuudha.

Al-Hakiim (Ogeessa)-kana jechuun wanta hundaa bakka isaaf malu kan kaaâ€™uu fi wanta hundarra gaarii taâ€™ee kan filatu, dhimmoota hundaa kan tolchu, qindeessuu fi jabeessuudha.

Kitaabni Isarrraa kan buâ€™e taâ€™uu erga ibsee booda maqaalee gaggaarii Rabbii keessaa maqaalee lamaan kanniin filachuu keessa gabroota iddo qormataa kaaâ€™aman duâ€™aan booda isaan kaasuun jazaa akka isaaniif kafalu ragaa agarsiisutu jira. [2] Inni Humna cimaa Kan qabuu fi Injifataa waan taâ€™eef duâ€™aan booda namoota kaasuun homaa Isatti hin ulfaatu. Al-Hakiim (Ogeessa) waan taâ€™eef uumamtoota kaayyoo malee akkanumaan hin uumu. Kanaafu, lamuu isaan kaasee nama waan gaarii hojjate mindaa gaarii kennaaf, nama waan badaa hojjate immoo adabbi isaaf malu adaba.

â€œDhugumatti, Nuti Kitaaba haqaan gara keetti buufnee jirra. Kanaafu, amantii Isaaf qulqulleessuun Rabbiin gabbari.â€

Asitti maqdhaala guddinna agarsiisu fayyadamuun: â€œYaa Muhammad! Nuti Qurâ€™aana haqaan gara keetti buufnee jirra.â€ Jedha. Haqaan yommuu jedhu hiika lama qaba:

1ffaa-Qurâ€™aanni kuni Rabbiin irraa taphaaf osoo hin taâ€™in haqaan buâ€™e. Namoota ajajuuf, waan badaa irraa dhoowwuuf, dukkana keessaa gara ifaatti isaan baasuuf buâ€™e.

2ffaa-Wanti Qurâ€™aanni of keessaa qabu hundi haqa (dhugaadha). Ajajoonni, dhoowwan, seenalee fi odeeefannoona isaa hundi dhugaadha.[3] Rabbiin subhaanahu wa taâ€™aalaa ni jedha:

لَا يَأْنِيهُ الْبَطْلُ مِنْ بَيْنِ يَدَيْهِ وَلَا مِنْ خَلْفِهِ تَزِيلُ مِنْ حَكِيمٍ



â€œSobni fuundura isaatiis taâ€™ee duuba isaatiin itti hin dhufu. Rabbi Ogeessa Faarfamaa taâ€™e irraa buufame.â€ Suuratu Fussilat 41:42

â€œKanaafu, amantii Isaaf qulqulleessuun Rabbiin gabbari.â€ Kana jechuun Rabbi Tokkicha shariika hin qabne gabbari, namootas kanatti waami. Ibaadaan Isa qofaaf malee homaafu akka hin taanee isaaniitti beeksisi. Ammas, Inni shariika, qixxaataa fi dorgomaa akka hin qabne isaanitti beeksisi. Kanaafi itti aanse Rabbiin oltaâ€™aan ni jedha: â€œDhagayaa! Amantiin qulqulluun Rabbi qofaafiâ€ •[4]

Al-ikhlaasu Lillah (Rabbiif qulqulleessu) jechuun hojiwwan amanti hunda shirkii, riya (na argaa) fi makaa biroo irraa qulqullu fi dhinbiibamaa gochuudha. Ni jedhama: â€œAkhlasa fulaan shayâ€™aâ€ kana jechuun wanta tokko faalama (makaa) irraa qulqullesesse.

Mukhlis jechuun nama hojii fi niyyaa isaa faalama (makaa) irraa qulqulleesseedha.

Ad-Diini (Amanti) jechuun- ajajamuu fi masakamuudha ykn hojii ittiin mindaa argachuu barbaadaniidha. Fkn, salaanni hojii mindaa ittiin barbaadaniidha. Ad-Diinu Lillah (Amantin Rabbiif) jechuun Guddinna Isaatiif gadi of qabuu fi of xiqqeessu waliin ajajamuun, masakamuu fi dhugaadhaan gabbaruun Isa qofaafi.

Kana booda: **â€œDhagayaa! Amantiin qulqulluun Rabbi qofaafiâ€œ** jechuun Yaa namoota! dhagayaa, xiyyeefannoo itti kenna! Ibaadaa fi ajajamuun shirkii irraa qulqulluu taâ€™e Rabbii tokkicha shariika hin qabne qofaafi.[\[5\]](#) Hojii Isa qofaaf jedhame hojjatamu qofatu Isa biratti fudhatama qaba. Hojiin shirkii, riyaa (na argaa), na dhagayaa qabuu fi Rabbiin ala wanta biraatti dhiyaachuuf hojjatame hundi Isa biratti fudhatama hin qabu. Nama qaruute irra dirqamni jiru, hojii amantii hunda Rabbii Tokkichaaf qulqulluu gochuudha. Rabbiin ala wanta biraatti dhiyaachuuf jecha haqaan Rabbiif hojii ibaadaa hojjachuun akkamitti aaqilaaf malaa? Kuni faallaa aqliiti.[\[6\]](#)

In sha Allah itti fufaâ€!

Kitaabban Tafsiiraa

- [\[1\]](#) Tafsiiru Qurâ€™aanil kariim-Suuratu Az-Zumar-fuula 13, Ibn Useymiin
- [\[2\]](#) Maâ€™aariju tafakkuri wa daqaaâ€™iqu tadabburi-12/150-151, Abdurahmaan Hasan Habanka
- [\[3\]](#) Tafsiiru Qurâ€™aanil kariim-Suuratu Az-Zumar-fuula 21, Ibn Useymiin
- [\[4\]](#) Tafsiiru ibn Kasiir-6/438
- [\[5\]](#) Tafsiiru Xabarii-20/156, Maâ€™aariju tafakkuri-12/152
- [\[6\]](#) Tafsiiru Qurâ€™aanil kariim-Suuratu Az-Zumar-fuula 28, Ibn Useymiin

Date Created

February 19, 2020

Author

admin